

<b>Vijesti</b>	<b>Politika</b>	<b>Društvo</b>	<b>Ekonomija</b>	<b>Hronika</b>	<b>Mini ma</b>	
Kultura	Sport	Zdravlje	Auto	HiTec	Show	Šareni svijet

## U GRANIČNOJ POLICIJI TVRDE: Sve kontrole se vrše prema zakonu

Granična policija BiH, u okviru svojih zakonskih nadležnosti, postupa prema Zakonu o zaštiti tajnih podataka i pratećim podzakonskim aktima, u rokovima koji su njima propisani

Društvo Prije 2h ▶▶ Prije 2h



Na portalu Slobodna Bosna 10. 5. 2016. godine je objavljen tekst „Balkanski špijun: Menadžment Granične policije BiH (GPBiH) pozvao eksperte OSA-e da otkriju i uklone prislušne uređaje“.

U tekstu je redovito obavljanje poslova, sukladno propisima, konotirano tako da se GPBiH predstavi negativno kao institucija u kojoj se poduzimaju „(ne)potrebne akcije, u kojoj vlada strah i paranoja od prisluškivanja“.

U istom se kontekstu postupanje rukovodstva GPBIH prema obveznim procedurama propisanim zakonom prikazuje kao „nesumnjiva strešenost od sindroma Balkanskog špijuna“.

Tekst sadrži netočnosti, neistine ili poluistine, konstatacije koje ukazuju na temeljno nepoznavanje ili nerazumijevanje propisa sustava sigurnosti, kao i pravila funkcioniranja tijela uprave i upravne organizacije, pa i ove policijske agencije.

Ne ponavljajući sve sporne konstatacije iz teksta, u svrhu davanja tačnih informacija za javnost, ukazujemo na sljedeće:

GPBIH, u okviru svojih zakonskih nadležnosti, postupa prema Zakonu o zaštiti tajnih podataka i pratećim podzakonskim aktima, u rokovima koji su njima propisani.

Na temelju Zakona o zaštiti tajnih podataka, Ministarstvo sigurnosti BiH je donijelo podzakonski propis kojim su definirani materijalno-tehnički standardi za tijela i organizacije koje osnivaju središnji registar i podregistre, uspostave sustava zaštite sigurnosnih područja gdje se čuvaju i štite tajne informacije.

Istim propisom je predviđen obvezni rok za periodične preglede takvih prostorija.

Tekst koji je objavljen jeste iskrivljavanje istine o zakonski i rokom predviđenom pregledu podregistra GPBIH. S obzirom na to da je GPBiH ispoštovao sve zakonske propise, smatramo krajnje nekorektnim obmanjivanje javnosti na štetu ugleda ove policijske agencije, navodi se u demantiju iz Granične policije BiH.